

第十四會 精進波羅蜜多分

- 一、欲證無上正等菩提，先應爲他作饒益事，當令一切所願滿足。依止精進波羅蜜多，誓爲有情作所應作，不隨己心而有所作，將護他心隨他意轉，爲作種種利益安樂，如己事業，常無厭倦。P.867
- 二、菩薩爲疾證得一切智智，與諸有情作大饒益，常勤修學一切法，心無退轉。P.868
- 三、菩薩觀經一年所作事業，生長久想，當知名爲懈怠菩薩。觀經一年所作事業，謂如一日，當知名爲精進菩薩，安住精進波羅蜜多。P.868
- 四、菩薩修菩提行，不應思惟劫數多少，若思惟劫數而作分限，當知名爲懈怠菩薩。設經無量無邊大劫，精進勇猛，不生退屈，當知是爲精進菩薩。P.868
- 五、菩薩雖知諸法皆如幻事，而能發起身心，安住精進波羅蜜多，求大菩提，常無萎歇。P.869
- 六、菩薩雖知諸法都無所有，而求無上正等菩提，爲有情類說能永斷無智正法……如是無智，緣合故生而實無生，緣離故滅而實無滅。菩薩雖如是知而心無退，當知名爲精進菩薩。P.870 若作是念，諸法皆空，我今何爲發起精進？當知名爲懈怠菩薩。P.870
- 七、以一切法畢竟空故，我求無上正等菩提，覺諸法空，爲有情說，令脫五趣生死眾苦，當知名爲精進菩薩。若作是念，生死無際，我豈能令皆得滅度，當知名爲懈怠菩薩。P.870
- 八、有菩薩修菩薩行，乃有諸佛出現世間，以有諸佛出現世間，便有菩薩及聲聞眾。譬如大樹由有根莖便有枝葉，由有枝葉便有華果，由有華果復生大樹。P.871